

Headline
Date
Media Title
Section
Circulation
Readership

Mati bawah lori tangki
14. Oct 2008
Harian Metro
Setempat
336603
2192000

Language MALAY
Page No 12
Article Size 280 cm2
Frequency Daily
Color Full Color
AdValue



Mati bawah lori tangki



MOHD IDRIS...maut

Kakitangan LHDN terjatuh digesel 'lori hantu'

>>Oleh Mohd Jamilul Anbia
Md Denin
anbia@metro.com.my

KUALA LUMPUR: Seorang kakitangan Lembaga Hasil Dalam Negeri (LHDN) maut dalam keadaan ngeri apabila dia diseret sebelum kepalanya digilis tayar lori tangki minyak sehingga mengakibatkan kepala dan topi keledar dipakai mangsa hancur berkecai.

Dalam kejadian kemalangan jam 7.30 pagi semalam, mangsa Mohd Idris Mamat, 28, dikatakan menunggang motosikal untuk ke pejabatnya di Cheras, di sini, sebelum tiba-tiba terjatuh ke arah lori minyak berkenaan yang sedang bergerak.

Saksi kejadian, Suhaimi Che Mat, 44, berkata mangsa maut digilis tayar belakang lori tangki berkenaan berhampiran susur keluar Bandar Tun Razak, Jalan raya Lingkaran Tengah (MRR2) ketika menunggang motor bersendirian.

Menurutnya, beberapa pengguna jalan raya mendakwa mangsa yang memandu motosikal di lorong tengah lebuhraya itu dihimpit dan digesel sebuah lori 'hantu' menyebabkan dia hilangimbangan dan terjatuh.

"Namun agak malang, mangsa terjatuh ke bawah lori tangki yang sedang bergerak di lorong paling kiri menyebabkan mangsa tidak



ANGKAT... anggota polis mengangkat jenazah mangsa untuk dibawa ke hospital.

sempat mengelak sebelum digilis tayar belakang bahagian kanan lori tangki minyak itu.

"Namun lori hantu seberat satu tan yang menghimpit mangsa terus memecut melarikan diri dan gagal dikenali pasti nombor pendaftarannya," katanya.

Menurutnya, kejadian kemalangan itu amat mengerikan kerana kepala mangsa hampir berkecai sama sekali akibat digilis.

"Malah saya tidak sampai hati untuk melihat keadaan mangsa apabila mendapati cebisan otaknya berteraburan di atas jalan.

"Akibatnya, pengguna jalan raya yang sedih melihat keadaan mangsa segera menu-

tup mayat mangsa meninggalkan surat khabar sebelum membuat panggilan kecemasan kepada polis dan pihak Hospital Universiti Kebangsaan Malaysia (HUKM)," katanya.

Sementara itu, beberapa rakan karib mangsa yang ditemui di lokasi kejadian tidak dapat menahan air mata semalunya melihat keadaan mangsa terbujur berlumuran darah.

Rakan serumah mangsa, Sham Shafie, 28, berkata dia adalah individu terakhirnya bercakap dengan mangsa sebelum Idris keluar dari rumah untuk ke tempat kerja, pagi semalam.

Menurutnya, Idris hanya sempat berkata dia terlewat

berulang kali sebelum segera menghidupkan enjin motosikal dan keluar dari pintu pagar rumah sewa mereka di Seri Kembangan, Serdang, di sini.

"Dia biasanya keluar dari rumah sekitar jam 7 pagi, namun entah mengapa dia terlewat pagi tadi dan tergesa-gesa keluar ke pejabat pada jam 7.15 pagi," katanya.

Menurutnya, mangsa menyewa serumah dengan tiga rakan lain sejak dua tahun lalu sebaik menamatkan pengajian di Universiti Putra Malaysia (UPM).

"Dia seorang rakan baik yang peramah dan amat mengambil berat terhadap keluarganya," katanya.